

Broj: 105-8558/21 DžS
Zenica, 06.07.2021. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 501-8556-1/21DžS od 06.07.2021. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU
o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 501-8556/21DžS od 06.07.2021. godine u postupku dodjele ugovora za nabavku pocinčane/gromobranske trake i prihvata se preporuka Komisije za nabavke da se okvirni sporazum zaključi sa ponuđačem:

ELIOS d.o.o. Banja Luka

kao najbolje ocijenjenom ponuđaču, prema ponudi protokolisanoj pod brojem: 501-8099/21 od 24.06.2021. godine, a nakon e-aukcije za ostvarenu cijenu od 26.700,00 KM, bez uračunatog PDV-a.

II

Prvobitno ponuđena cijena izabranog ponuđača u iznosu od 39.500,00 KM, a nakon provedene e-aukcije umanjena je za 32,41%.

Procenat iz prethodnog stava će se obračunati kao rabat prilikom ispostavljanja faktura ili će se pojedinačne cijene prilikom fakturisanja umanjiti za navedeni procenat.

III

Prijedlog ugovora dostavit će se na potpis izabranom ponuđaču ELIOS d.o.o. Banja Luka, u skladu sa članom 98. Zakona o javnim nabavkama.

IV

Za izvršenje ove Odluke zadužuje se Komisija za nabavke, Služba za kadrovske i opšte poslove te Komercijalna i Finansijska služba u preduzeću.

V

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

VI

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 105-7584/21 BS od 14.06.2021.godine. Javna nabavka je provedena putem konkurentskog zahtjeva sa zaključivanjem okvirnog sporazuma.

Procijenjena vrijednost javne nabavke bez uračunatog PDV-a je 40.000,00 KM.

Poziv za preuzimanje tenderske dokumentacije broj: 406-7584-2/21 BS od 15.06.2021. godine upućen je sljedećim ponuđačima:

1. Pero d.o.o. Zenica
2. Almy d.o.o. Zenica
3. Inter – com d.o.o. Zenica

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 02.07.2021. godine u 10:34 sati.

Rok za dostavljanje ponuda je bio 25.06.2021. godine do 11:00 sati.

U prethodno navedenom roku, na protokolu Javnog preduzeća „Vodovod i kanalizacija“ d.o.o. Zenica zaprimljeno je pet ponuda u zatvorenoj koverti, i to:

1. ELMEX d.o.o. Ljubuški
2. Elios d.o.o. Banja Luka
3. Pero d.o.o. Zenica
4. Treasure d.o.o. Zenica
5. Almy d.o.o. Zenica

Komisija za nabavku imenovana je Odlukom broj: 105-4232/21 BS od 30.03.2021.godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 5 (pet),
- da je blagovremeno zaprimljeno 5 (pet) ponuda,
- da nema neblagovremeno zaprimljenih ponuda,
- ukupno 12 (dvanaest) ponuđača je preuzelo tendersku dokumentaciju sa Portala javnih nabavki.

Komisija za nabavku je dana 06.07.2021. godine direktoru preduzeća dostavila Zapisnik o ocjeni ponuda broj: 501-8556/21 DŽS od 06.07.2021. godine sa preporukom o izboru najpovoljnijeg ponuđača za nabavku pocinčane/gromobranske trake.

Uvidom u priloženu dokumentaciju konkurentskog zahtjeva broj: 406-7584-1/21 BS od 14.06.2021. godine – Nabavka pocinčane/gromobranske trake, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razlog da izrazi sumnju da je cijena ponude bilo kojeg ponuđača neprirodno niska.

Dana 02.07.2021. godine dopisom broj: 501-8100-1/21 BS ugovorni organ je ponuđaču Pero d.o.o. Zenica uputio zahtjev za prihvatanje ispravke računске greške obzirom da je konstatovana greška za ukupnu vrijednost stavke 2.1 čime se mijenja i ukupna vrijednost ponude, te ista umjesto 39.999,00 KM bez PDV-a iznosi 40.005,00 KM bez PDV-a.

Dana 02.07.2021. godine ponuđač Pero d.o.o. Zenica je dostavio Izjavu o saglasnosti na korekciju greške koja je na protokolu ugovornog organa protokolisana pod brojem 501-8569/21.

Svi ponuđači su dostavili formalno – pravno ispravne i tehnički prihvatljive ponude, ugovorni organ je shodno odredbi čl.4. Pravilnika o načinu korištenja e-aukcije zakazao e-aukciju za dan 05.07.2021. godine, u terminu od 09:00 sati.

Ponude ponuđača, prije početka e-aukcije su:

1. Elios d.o.o. Banja Luka, sa ukupnom cijenom ponude u iznosu od 39.500,00 KM bez PDV-a
2. ELMEX d.o.o. Ljubuški, sa ukupnom cijenom ponude u iznosu od 39.950,00 KM bez PDV-a
3. Almy d.o.o. Zenica, sa ukupnom cijenom ponude u iznosu od 40.000,00 KM bez PDV-a
4. Pero d.o.o. Zenica, sa ukupnom cijenom ponude u iznosu od 40.005,00 KM bez PDV-a
5. Treasure d.o.o. Zenica, sa ukupnom cijenom ponude u iznosu od 48.100,00 KM bez PDV-a

E - aukcija je održana u zakazanom terminu.

U e-aukciji ponuđači su mijenjali iznose svojih ponuda.

Konačne ponude, nakon završetka postupka e-aukcije su:

1. Elios d.o.o. Banja Luka, sa ukupnom cijenom ponude u iznosu od 26.700,00 KM bez PDV-a
2. Pero d.o.o. Zenica, sa ukupnom cijenom ponude u iznosu od 26.960,50 KM bez PDV-a
3. ELMEX d.o.o. Ljubuški, sa ukupnom cijenom ponude u iznosu od 28.060,50 KM bez PDV-a
4. Almy d.o.o. Zenica, sa ukupnom cijenom ponude u iznosu od 30.500,00 KM bez PDV-a
5. Treasure d.o.o. Zenica, sa ukupnom cijenom ponude u iznosu od 48.100,00 KM bez PDV-a

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je prema utvrđenom kriteriju „najniža cijena“ prihvatljivih ponuda/ponuđača, ocijenila kako slijedi:

1. Elios d.o.o. Banja Luka, sa ukupnom cijenom ponude u iznosu od 26.700,00 KM bez PDV-a
2. Pero d.o.o. Zenica, sa ukupnom cijenom ponude u iznosu od 26.960,50 KM bez PDV-a
3. ELMEX d.o.o. Ljubuški, sa ukupnom cijenom ponude u iznosu od 28.060,50 KM bez PDV-a
4. Almy d.o.o. Zenica, sa ukupnom cijenom ponude u iznosu od 30.500,00 KM bez PDV-a

5. Treasure d.o.o. Zenica, sa ukupnom cijenom ponude u iznosu od 48.100,00 KM bez PDV-a,

te dala preporuku da se okvirni sporazum zaključi sa najuspješnijim ponuđačem Elios d.o.o. Banja Luka.

Shodno prethodno navedenom, Komisija je sa 3 (tri) glasa ZA i 0 (nula) glasova PROTIV donijela odluku da je najpovoljniju ponudu za nabavku pocinčane/gromobranske trake dao ponuđač Elios d.o.o. Banja Luka, jer je ponuđač dostavio ponudu sa najnižom cijenom prihvatljive ponude, te Komisija predlaže da se sa navedenim ponuđačem kao najpovoljnijim zaključi okvirni sporazum.

U postupku ocjene provedenog postupka Direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom člana 32. i člana 64., stav 1., tačka (b). Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

 DIREKTOR:

Pašalić Emir, dipl.ing.građ.

DOSTAVLJENO:

- 1 x Direktor preduzeća
- 1 x Pom.dir.za ekon.posl.
- 1 x Pom.dir.za tehn.posl.
- 1 x Pom.dir.za razvoj i invest.
- 1 x Komercijalna služba
- 1 x Tehnička služba
- 3 x Članovima Komisije
- 1 x Sekretar Komisije
- 1 x a/a